

Li Hu li Quixtz'iba li San Pablo re laj Tito

Laj Pablo naxq'ue xsahil xch'ol laj Tito

¹ Lain laj Pablo. Yoquin chi tz'ibac ącuiq'uin, at Tito. Ninc'anjelac chiru li Dios ut lain x-apóstol li Jesucristo. Xakabanbilin xban li Jesucristo re xtenk'anquileb li sic'bileb ru xban li Dios re nak tz'akalak re ru lix pąbaleb. Ut xakabanbilin re xtenk'anquileb re nak te'xtau ru chi tz'akal li xyalal li colba-ib ut tąt'icobresiklix ch'oleb. ² Ninch'olob li xyalal a'in chiruheb re nak te'pąbank ut te'xyo'oni li junelic yu'am. Najter k'e cutan li Dios quixyechi'i chak li junelic yu'am. Li Dios inc'a' natic'ti'ic. ³ Nak quicuulac xk'ehil li Dios laj Colol ke quixc'utbesi li xyalal li colba-ib chiku. Tenebanbil sa' inben xban li Dios xch'olobanquil xyalal li colba-ib yalak bar. ⁴ Yoquin chi tz'ibac ącuiq'uin, at Tito. Laat chanchanat tz'akal cualal sa' xc'aba' li kapabäl. Chicuank taxak ącuiq'uin li usilal ut li tuktuquilal li naxq'ue li Dios li kaYucua' ut li naxq'ue li Jesucristo laj Colol ke.

Li c'anjal tenebanbil sa' xbən laj Tito

⁵ Xatincanab aran sa' li tenamit Creta re nak taç'ub ru li c'a'ru toj yibac naraj ut re nak taxakabeb li te'c'amok be chiruheb laj pabanel sa' li junjunk chi tenamit. Jo' xinye ącue, jo'can tabanu. ⁶ Ticak xch'ol li ani taxakab re nak mac'a' tayehek' chirixeb. Junak ajcui' li rixakil ut aj pabanelakeb li ralal xc'ajol. Chabilakeb xna'leb

ut te'abink chiruheb lix na' xyucua'. ⁷ Li ani
 nac'amoc be chiruheb laj pābanel, li jun a'an
 aj c'anjal chiru li Dios. Jo'can nak tento nak
 ticak xch'ol re nak mā ani tāqatinak chirix. Moco
 k'etk'etak ta ut moco ch'info'ak ta, chi moco
 tacalak, chi moco tapletik. Ut mācua'ak aj ra-
 hol ru biomal, chi moco tixsic' xtumin riq'uin
 balak'ic. ⁸ Junak aj c'anjal chiru li Dios naxc'uleb
 li rula' chi sa sa' xch'ol ut nasaho' ajcui' sa' xch'ol
 riq'uineb li neque'bānun re li us. Laj c'anjal chiru
 li Dios toj naxc'oxla chi us li c'a'ru naxbānu ut
 junelic cuank sa' usilal riq'uineb li ras ritz'in. Tic
 xch'ol ut naxcuy xnumsinquil li raylal ut li ałec.
⁹ Inc'a' nach'inan xch'ol sa' lix pabal. Naxpāb
 ban chi anchal xch'ol li xyālal li quic'ute' chiru
 re nak tixnau xch'olobanquil li xyālal chiruheb li
 rech aj pābanelil ut tixnau xq'uebal xna'lebeb li
 neque'cuech'in re li c'a'ru naxye. ¹⁰ Chaq'uehak
 retal ani tāxakab chok' aj c'amol be xban nak na-
 baleb li inc'a' neque'xtau xyālal. Neque'atinac chi
 mac'a' rajbal ut neque'xbalak'i li tenamit. K'axal
 cui'chic nabaleb jo'caneb xna'leb sa' xyankeb li
 kech aj pābanelil aj judío. ¹¹ Eb a'an tento
 xk'usbaleb re nak te'xcanab li balak'inc. Yoqueb
 xpo'bal xch'oleb li jūnk cabal riq'uin xc'utbal li
 moco yal ta. Riq'uin balak'inc neque'xtau lix
 tumineb. ¹² Eb laj Creta que'xq'ue jun li cuink
 aj k'e chok' xprofeteb. Li cuink a'an quixye chi
 jo'ca'in chirixeb li rech tenamitil: laj Creta junes
 tic'ti'ic neque'xbānu. Chanchaneb li josk' aj xul.
 Eb a'an aj num cua'ineleb ut inc'a' neque'raj tra-
 bajic, chan. ¹³ Ut yal ajcui' li quixye. Jo'can
 nak cau chak'useb re nak te'cacuuk xch'oleb sa'

lix pabaleb. ¹⁴ Chak'useb re nak inc'a' te'xpab li tic'ti' li neque'xyo'ob laj judío chi moco che'xpab lix chak'rabebeb li cuink li neque'tz'ektañan re li tz'akal yal. ¹⁵ Li tiqueb xch'ol, chixjunil li c'a'ak re ru chabil chiruheb xban nak neque'xsic' li c'a'ru chabil. A'ut eb li inc'a' tiqueb xch'ol, mac'a' c'a'ru us chiruheb xban nak numtajenak xyibal ru lix na'lebeb ut inc'a' us lix c'a'uxeb. ¹⁶ Neque'xye nak neque'xpab li Dios, aban riq'uin li c'a'ru neque'xbanu nac'utun nak moco yal ta. Aj k'etoleb ratin li Dios ut k'axal yibru lix na'lebeb. Inc'a' useb. Mac'a' junak chabil c'anjel taruk te'xbanu.

2

Laj Tito tenebanbil sa' xbən xq'uebal xna'leb laj pabanel

¹ Abanan li c'a'ru tach'olob chiruheb laj pabanel, chaq'uehak retal re nak a'an tz'akal lix yalal li tach'olob chiruheb. ² Chaq'ueheb xna'leb li chequel cuink re nak inc'a' te'calak ut chabilakeb xna'leb. Toj che'xc'oxla chi us li c'a'ru te'xbanu ut che'pabank chi anchaleb xch'ol. Chixjunil li te'xbanu, che'xbanuhak xban nak neque'xra li ras ritz'in ut che'xcuyak li raylal. ³ Ut chaq'ueheb ajcui' xna'lebeb li chequel ixx. Chic'utunk lix lok'aleb riq'uin lix tiquilal xch'oleb. Inc'a' te'xyo'ob atin chirixeb li ras ritz'in ut inc'a' te'calak. A'anakeb ban chic aj c'amol be sa' li tiquilal. ⁴ Riq'uin lix chabilal li chequel ixx te'xc'ut chiruheb li ixakilbej li toj sajeb nak te'xra lix beлом jo' ajcui' lix coc'aleb. ⁵ Te'xc'ut chiruheb

nak ch̄abilakeb xna'leb, t̄icakeb lix ch'oleb ut te'ril
 lix jun cablal chi us. Ch̄abilakeb ut che'p̄abank
 chiru lix belomeb. Che'cuānk sa' xyālal re nak
 inc'a' t̄asachmānk xcuānquil li colba-ib q'uebil ke
 xban li Dios. ⁶ Ut chaq'ueheb ajcui' xna'lebeb li
 saj cuānk re nak te'xc'oxla chi us li c'a'ru te'xbānu
 re nak te'cuānk sa' t̄iquilal. ⁷ Ut riq'uin chixjunil
 li c'a'ak re ru tabanu, laat tatic'amok be chiruheb
 sa' t̄iquilal. Chi anchalak ąch'ol ut ch̄abilak la
 yu'am nak tac'ut li xyālal chiruheb. ⁸ Ut nak
 tat-ātinak, tz'akal re ru li c'a'ru t̄aye re nak
 mā ani tacuech'ink rix li c'a'ru t̄aye. Chi jo'can
 te'xutānak li xic' neque'iloc ke ut māc'a' c'a' re ru
 naru te'xye chikix lao aj p̄abanel. ⁹ Chaq'ueheb
 ajcui' xna'lebeb li mos re nak che'abink chiruheb
 lix patroneb. Inc'a' te'sumenk. Che'xbānuhak
 ban li c'a'ru t̄ayehet' reheb re nak sahakeb sa'
 xch'ol lix patrón riq'uineb. ¹⁰ Inc'a' che'relk'a
 li c'a'ru reheb lix patroneb. Che'xbānuhak
 ban lix c'anjal chi ch̄abil ut chi anchalakeb
 xch'ol re nak taq'uehek' xlok'al li resilal li Dios
 li kaColonel riq'uin chixjunil li te'xbānu. ¹¹ Li
 Dios quixc'utbesi lix nimal ruxtān re xcolbaleb
 chixjunileb li cuanqueb jun sut rubel choxa.
¹² Lix nimal ruxtān li Dios naxc'ut chiku nak li
 Dios naraj nak takacanab xbānunquil li māusilal.
 Chikacanab xbānunquil li inc'a' us li naxrahi ru li
 kach'ol. Sa' xyālal ban chikanumsihak li cutan sa'
 li ruchich'och' a'in. Tocuānk sa' t̄iquilal riq'uineb
 li kas kītz'in ut chikabānuhak taxak li naraj li Dios.
¹³ Jo'can taxak yoko nak yoko chiroybeninquil li
 lok'laj cutan nak tol-ēlk cui'chic li Jesucristo li
 nakayo'oni. Sa' li cutan a'an tac'utbesik chiku

lix lok'al li kanimajcual Dios, li Jesucristo laj Colol ke. ¹⁴ A'an quixk'axtesi rib chi c̄amc sa' kac'aba' lāo re nak tocolek' chiru li mausilal. Quixbānu a'an re xt̄icobresinquil li kach'ol ut re nak chikaq'uehak kach'ol chixbānunquil li us. ¹⁵ Chixjunil li na'leb a'in li yoquin xtz'ibān-quil acuinquin, a'an li t̄ach'olob chiruheb. Chaq'ueheb xna'leb ut chak'useb cui inc'a' us yoqueb xban nak tenebanbil sa' aben xban li Dios xbanunquil. Ut mā ani chitz'ektānānk acue.

3

Li c'a'ru us te'xbānu laj pabanel

¹ Chajultica ajcui' chiruheb nak che'pābank chiru li acuabej. Ut che'pābank ajcui' chiruheb chixjunileb li cuanqueb sa' xcuanquil. Ut s̄ebak xch'oleb chixbānunquil li chābil c'anjel. ² Ut chaye ajcui' reheb nak inc'a' te'xyo'ob atin chirixeb li ras ritz'in ut inc'a' te'cuech'ink. K'unakeb ban xch'ol ut chābilakeb. Ut che'cuānk sa' usilal riq'uineb chixjunileb li ras ritz'in. ³ Lāo junxil inc'a' us li kana'leb nak xocuan chak. Xkak'et rātin li Dios ut inc'a' xo-abin chiruheb li cuanqueb xcuanquil. Xkaq'ue kib chi balak'ic. Xkabānu chak li mausilal li naxrahi ru li kach'ol. Xkanumsi li cutan xbānunquil li mausilal. Xocakalin ut xic' nakil kib chi kibil kib. ⁴ Abanan quicuulac xk'ehil nak li Dios laj Colol ke quixc'utbesi chiku li rusilal ut li ruxtān. ⁵ Li Dios xoxcol ut xorisi sa' li kanajter na'leb. Mācua' xban kayehom kabānuhom chi moco xban lix t̄iquilal li kach'ol. Yal xban lix nimal ruxtān li Dios nak coxcol. Cuybil sachbil chic li kamāc ut ac'obresinbil chic li kayu'am xban li

Santil Musik'ej. ⁶ Xban nak li Jesucristo quicam re kacolbal, numtajenak li kosobtesinquil xban li Dios nak quixq'ue chak li Santil Musik'ej chi cuãnc kiq'uin. ⁷ Jo'ca'in quixbanu re nak tät̄icok' li kach'ol xban xnimal rusilal li Dios ut takechanli junelic yu'am li yoco chiroybeninquil. ⁸ Li atin a'in li xinye  cue, a'an li tz'akal yal. Lain nacuaj nak tach'olob li xyalal a'in chiruheb li ac xe'xpab li Dios re nak te'xq'ue xch'ol chi c'anjelac sa' chabilal. Li xyalal a'in k'axal ch abil ut tac'anjelak chiruheb chixjunileb. ⁹ M atz'il rix li c'a'ak re ru chi atinul li mac'a' rajbal ut macuech'i rix lix xe' xtonal li junjunk. Ut macuech'i rix li chak'rab li quiq'uehe' re laj Mois s. Mac'a' aj e xbanunquil a'an xban nak li cuech'inc mac'a' na-oc cui'. ¹⁰ Ut cui junak cuink aj po'ol ch'olej yo' chi tacchi'inc sa' xyank'eb laj p banel, taq'ue xna'leb jun sut malaj cuib sut ut cui inc'a' na-abin ch acuu, inc'a' chic texcuank' sa' comonil riq'uin. ¹¹ Nanauman nak li jun a'an ac xpo' xch'ol ut namacob xban nak naraj tixpo' xch'oleb laj p banel. A'an raylal naxc'am chak sa' xben xjunes rib.

Laj Tito quiyehe' re c'a'ru tixbanu

¹² Tintakla  cuiq'uin laj Artemas malaj ut laj T quico. Nak tacuulak  cuiq'uin, tatxic chi junpat Nic polis. Aran toxinatau xban nak ninc'oxla nak us tinnumsi li habalk'e aran. ¹³ Chaq'ue  ch'ol chixtenk'anquileb nak te'elk aran laj Apolos jo' ajcui' laj Zenas laj na'ol chak'rab. Chatenk'aheb nak te'xic re nak cuank' c'a'ru reheb ut mac'a' chipaltok reheb. ¹⁴ Eb li kech aj p banelil tento nak te'xtzol rib xbanunquil li usilal ut te'xtzol

ajcui' xtenk'anquileb li tenk'ac te'raj re nak inc'a' t̄acanāk chi māc'a' rajbal lix p̄abaleb.

Xq'uebal xsahil xch'oleb laj pabanel

¹⁵ Chixjunileb li cuanqueb cuochben neque'xtakla xsahil āch'ol. Út chaq'ue ajcui' xsahileb xch'ol li kech aj p̄abanelil. Nakara kib chi kibil kib xban nak junaj li kapabäl. A' taxak li rusilal li Dios chicuānk eriq'uin chejunilex. Jo'can taxak.

**Li Santil hu
Bible in Q'eqchi' (GT:kek:Q'eqchi')**

copyright © 2000 Wycliffe Bible Translators, Inc.

Language: Q'eqchi'

Translation by: Wycliffe Bible Translators, Inc.

Q'eqchi' [kek], Guatemala

Copyright Information

© 2000, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Q'eqchi'

© 2000, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

f1b065df-5ef5-5c8a-a273-af2b9aefff55